

մայն անհասկանալի: Լատինական (կաթոլիկ) ձգտումը ստեղծել է նոյնանման, բանաւոր եւ համաշխարհային մի քաղաքակրթութիւն, որ բոլորովին տարբերում է հելլէնա-արեւելեան համաշխարհային երազից: Լատինը կոսմոպոլիտ է, համաշխարհային քաղաքացի, բայց երբեք «համայնա-մարդ»:

Տէնի «ցեղը», «միջավայրը», «ժամանակը»՝ միանդամայն սխալ, հասկանալի է սակայն ըստին մտայնութեան համար: Հասկանալի է նաեւ Փրանսական քննադատութեան մէջ ընդունուած գրական սեւերի բաժանումը եւ ուսումնասիրութիւնը: Բալզակից յետոյ Փրանսական արձակը մի հատ համար չէ տրուած, մինչ 19-րդ դարու փրանսական վէպը մեծ եւ նշանակալից երեւոյթ է: Գերմանական եւ արեւելեան գրականութիւնները, ընդհակառակը, կարեւոր են իրենց տուած առանձին հանձարներով, մնացածը երկրորդական գրականութիւն է:

Բժման մտայնութեան մասայական արժէքների այդ շարկապումը կազմում է նրանց ազգային պատմութիւնը, այսինքն՝ նրանց քաղաքակրթութեան դարելընդանը: Այստեղ տաղանդը նպատակ ունի դրսեւորել բոլոր այն արժէքները, ձգտումները եւ կարելիութիւնները, որոնք արդէն գոյութիւն ունին համայնքի մէջ եւ ուղղել օգտակար մի նպատակի: Տաղանդը անհրաժեշտ եւ գործնական նպատակի է ծառայում: Նա միշտ չինարար է:

Մշակոյթային շարելընդաններում մարդկային ոգու կարելիութիւնները արտայայտւում են առաջին անգամ անսպասելի կերպով հանձարների միջոցով: Անկարելի է նրանց ծրելուցը գուշակել: Գէօտէն կամ Նիցչէն չի կարելի նայատեսել: Ամէն ինչ ոչինչից է ստեղծւում — «ex nihilo»: Ահա թէ ինչու, լատին քննադատութիւնը «Աստուածային Կատակերգութեան» երրորդ մասը համարում է անբաշտող, որովհետեւ «Գոթիքը» եւ «Բաւարանը» պատմականօրէն նախատեսուած են, իսկ «Արքայութիւնը», ուր Գանտէն իսկապէս հանձարեղ է, ժամանակից եւ պատմութիւնից դուրս է:

Նոյնը ազգային գաղափարի համար: Ծրանսայում կամ Անգլիայում ազգութիւնը

կապուած է պետական պատմութեան մէջ գրեթէ տեւական բնոյթ ունեցող հիմնարկութիւնների հետ: Սահմանները մնում են գրեթէ անփոփոխ, երկիրը զարգանում է որոշ տնտեսական օրէնքների եւ ազգաճնների ազդեցութեան տակ: Արեւելքում — Հնդկաստան, Չին, Ռուսաստան, Հայաստան — անծայր տարածութիւններ են, ուր աշխարհագրական միաւորը անզարգար փոփոխութիւնների է ենթարկւում, սահմանները շարժւում են, կենտրոնը անյայտ է, ու բնական է, որ ազգային գաղափարն էլ բոլորովին տարբեր կերպով է ըմբռնւում:

Այստեղ անհատը իր գիտակցութիւնը ըստեղծելու համար ստիպուած է իջնել դարերի խոր անդունդը, որոնելու համար աւանդութիւն եւ արժէք, բարոյական եւ հոգեկան դիմագիծ եւայլն: Այդպիսի ազգային գաղափարը լատինական համաշխարհային կաղապարի բնոյթը չի կրում, այսինքն՝ ոչ մի տուեալ ձեւ չի պարտադրում՝ ինչպէս հոռոմէական կայսերապաշտութիւնը եւ արդի կաթոլիկ պապականութիւնը, այլ անորոշ սահմաններից դուրս իր որոնած աւանդութիւնները ձգտում է «համամարդկային» արժէքի վերածել ու ազգային գաղափարից վեր՝ խառնել «կենտրոնները»:

\* \* \*

Քաղաքակրթութիւնը ամբողջ իր կամքը կենտրոնացնում է միակ նիւթական նպատակին հասնելու համար: Նա կռնակ է դարձնում երկինքին եւ աչքերը յառում է գործնական կեանքի վրայ: Կազմակերպում է օրերը, օրէնքներ է ստեղծում սահմանափակելու եւ կանոնաւորելու համար կամքերը, ոստիկանական հսկողութեան տակ առնելու համար բնագրները, շահադործելու համար ձգտումները, կենտրոնացնելու համար միկանների ուժը եւ խելքը:

Պետութիւնը ամէն ինչ է: Թաղաւորը, ոստիկանը, կոմիսարը, չեկան, բանտը՝ ներքին պաշտպանութեան համար, դիւանագէտը, բանակը եւ պատերազմը՝ արտաքին թշնամիներէ դէմ: Անհատը դասաւորուած է, սահմանափակուած, թիւի վերածուած:

Քաղաքակրթութիւնը ձգտում է առաջ բերել մեծագոյն զօրութիւն եւ իշխանութիւն: